


GOSPEL TANGKOU

Issue No. 2

Volumn : XXXIII

April

2019



2019 KUM THUPI :
“Lungkelou in Mangpa nna sem vai...”

Jer. 12:5

EDITOR:
Rt. Rev. Dr. S.K MANLUN

EDITORIAL BOARD

Founder Editor:

Rev. M.Hauzalian
Mobile No - #09275259138
E-mail :lianmanlund@yahoo.com

Editor:

Rt.Rev. Dr. S.K. Manlun
Mobile No - +91 9612152332
E-mail :melchqtrs@gmail.com

Joint Editor:

Upa S. Zamkhanpau
Mobile No- +91 9612574232

Assistant Editor:

Rev. Rtd. S. Nengkhanmang
Mobile No- +91 8974139641

Contributing Editor:

1. Rev. Dr. Hangminthang,
Director of Ministries
Mobile No. +919612997858
2. Rev. Thangliankham,
Director of Missions
Mobile No. +9862830905
3. Divisional Superintendent teng

Design & Setting:

Mr. Khamkhanhau
Mobile No. +918974955366
E-mail : munluohaupu@gmail.com

Circulation Manager:

1. H. Khaikhogin
Mobile No - +919862133422
2. Dongzakam
Mobile No. +919612198903

A SUNG A THU UMTE

Editorial	01
Mangpa Loupi tahzet...	04
Pilat Bang khava teh	06
Jesu Thawkia Ni khu....	07
Pasian toh Enok ...	11
Goutan Tate kep ding dan	15
Midangte Ngaidamna	18
Pastors Tour - 2019	21
Vaiguon tuomtuom	23

Patron Member ₹.1500/-
Kum khat lah man:
Khut ah - ₹.150/-
Dah ah - ₹.200/-

Article zousie Editor kunga pieh ding; ahilouleh, e-mail in
melchqtrs@gmail.com tungtawn in a piehthei ding hi. Tualeh, a lahman
Circulation Manager kunga pieh ding ahi.

Editor dawkan apat



Mangpa Pasian aw, “ kei koi kahia? Tua leh ka innkuonte zong bang ahi ua... 2 Samuel 7:18. Tammi Laisiengthou Mangpa masang a bangma ihi loulai a hitan chieng a I hattuom hingpui Pa Pasion min phat in umta pansan in kikum khawm vai. Mangpa mai ah hoina gending chilei gending atam seng sih ding a, hinan leh hoina leh chitna neiloute ihi lai in jong Ama’n a hoina ang kitan pi hi. David in Mangpa kung ah Kei Koi Ka hiai? Achi khu ngaisun tham ching in kathei hi. Kum 10 bang peita nikhat ka khua uah Tangval Nampi sepaite hing vahlut in mipi in maingat ding jong awilou in ava naikhate kung ah Kei koi ka hiai nang thei ei achi uhi. Ama uh hina lah kithei giagua hinan leh kithupisah na kamteng in anei uhi. David kamteng jah toh kihakhiet ahi dan kagel doh hi.

David in Mangpa mai a hatlou dan kaki thei a, MELC achitlouna leh a silbawlte dih kuong tawl ding kaki chi chieng kisa lou in Mangpa kei koi ka in chin kisa lou kahi a, hun hiai? na umpi na tangtah lou peisate ka en a ka ngaitua chieng kahi lai hitan chieng nangpui in amai ah silpuonsie tuh zoulou achi nuamna ahi. Hoina toh pui kahi, tua chin Mangpa Kei Koi a um ding hita leng hitan chieng Ka hiai? chi a ki Mangpa mai a hijoulou ding kahi achi’n surrender lou ngal siem kitansah thuipha tawi nan tami kamteng nang mong mong kanei sih hi. a jang hi. Pasion kamteng hita Hitan chieng hingpui khu Isreal leh, Kei koi ka hiai chi khu te puipa Pasion ahi man in amin Egypt gam a pat a hing puidoh thupi ka phat hi. Kei bangma lou pa na Pasion uh kahi achi ding hinan leng ka seppi Pastorte, a, ama lounal Pasion dang Upate leh ka hattuom pite umlou ahi a suhlatna kamteng in kihtuapina toh hitan chieng a jang hi. Ei ten ki uangsah leh kitung ahia, sepkhiet leh ki letsahna kamteng in kijang bawlkhiet mit a muthei leh mawh ahi, iham ipau dan jong mutheiloute jieh in Mangpan kivel phat ding a poimaw hi.

Tunin tam kamteng ka kahi nua in kei a ding a huntoh ngaituo chieng in kei chitlou leh kaki sahlai in Mangpa deishna

leh lemguotna tang tou jel in Noth East a Lutheran umte ki pawlkhawmna “Evangelical Lutheran Church In The Himalayan State” (ELCITHS) Bishop/President tam chieng a hing tangsah Mangpan min ka phat hi. Tukum ka thuoi “Reach the Unreach” ahia, ka tun ngai nailou natan Mangpan hing tung sah a panmun lienpi leh mawpuohna lienzaw sem semding in Pasian in hingdein alia ahi man in Pasian in thupina tangta hen. Kei hanta tawh sem jouding in kaki gingta

sih hi, seppi dei um lawm leh guol, ka hattuom pite hing thumpi un chin kang ngen hi. Noute toh semkhawm ding kahi man in kaki pah a, jong kaki muong hi. Mangpa ki thuapina toh thumna jal a semzou ding in jong kaki nem hi. Thumjel lengte thumjel henlen Ana semte’n khut khatlam ah sem in a langkhat a phaw tawi a sem ding in seppite ikichiel in ikingen uhi. Manggam keklian ding in Mangpa’n mimal khat chiet hing jang in hing umpi chiet taken.

Mangpa

LOUPI TAHZET HI

(Text Psalm 68:11)

~ **Rev. Hauzalian Manlun**
Foundr Editor

“MANGPA’N thu khu ahing pe-a; khumi phuonzah pawlpite khu ahupi uhi”. (ZKJV)

I Thupi uh pansan a Laisiengthou manphat dan houlim theina dia hunpha hingpie Pasian khu phatin um taken. Kumlui November 2018 apat 2019 Feb. 10, tan King James Version Zokama I neitheina dinga panlahna toh kisaia i pankhawmnate uh loupi kasa hi. A thunei pa leh lemguotpa Pasian zal in ei lampang a bawl dinga kilaw(m teng zoh phiel ahita hi. Tu in I le-zaw (translate) sa teng correction bawl kawm in publisher dinga inget uh TBS (Trinitarian Bible Society) London final ingah laitah uh ahi, thum tou zel vai.

Gospel Tangkou April 2019

Thuhunlui lai in Moses lamkaina nuai ah Israel mipite'n biahbuh (Tabernacle) leh mun siangthou pen (Holy of Holiest) leh thuhun bawm (Ark of Covenant) chivel bawlina dingin Pasion in a lamkaipu uh Mose kunga tangtunga a bawl danding akip akoiin ahil diem tahi. Tuabangin Bezalel leh Aholiab kichi tegel khutsiem silbawl theina leh pilna a tuate ni mangin thuhun bawm (Ark of covenant) leh biehna mungsieng (Holy Sanctuary) chite bawlin a um a, cherubim kikal ah Mangtoupna a uma, khum mun siengthoupen khu Siempulian in kumkhata khatvei alut theiding chi ahi. A lut chienga zong ama a khelna a umleh a shiden thei ahi va ia hi! Tuamin Pasion siangthoudan leh a miten abieh chiengua siang-thou leh kilawm taha bieh ding ahi dan a tahlang hi. (Exo.37:1ff)

Tu in Cherubim nite kaala Zangaina Mangtoupna (Mercy Seat) kichi khu a tomthei pen in genvai. Tam in a etsah khu khiel suhmaina (propitiation) hi in. tampen Thuhuntha ah I Mangpa Jesu Khrist eite ding khiel thoina sillat a ahing kipiehna in asutangtung ta hi. (I John,2:2) I Mangpa uh Jesu Khrist zalin Zangaina Toupna khu eite ding

nikhat in naikal 24 sung akihong ta hi. Pasion phatin umhen, nichin in khiel lumlet nan leizong Zangaina Toupna naizing theina dingin a tatsa mite I Mangpa'n luttheina hing pezing hi.

I gen utpen Feb,5,2019 nia itna annkuong chielna mi 31 ten nahing impi natung ua Mangpaloupi isa uhi. Noute kithuopina jieha I Bible uh suttheidia hing umding leh sutzou chienga ilop dingdan kinepna ahing thathou sah hi. Khumi nia itna annkuong hing imsahte tunglama pa chepte in na um ua, a thuhing leh a lenggam a dinga, na itna silpiehte uh Ama I Mangpa ngaiin gimnamtuitah ahi. MANGPAN a gam itun chieng ua lawman I manaw ding un hing kepbitsah ahi chi theizing un. (Heb. 6:10)

Tu hun nukhie a dinga gingtute Hagau lama khanletna ding leh guolzou hinkhuo nei zing na dinga vanzat hoipen leh galvan hoipen khu Pasion Thu – Bible ahi. Himi na it a, na jatata, na gnainat a, na zop leh milah ah mihampha pen hiva the. (Luke 11:28)

MANGPAN Thupha hing peta hen.

~~~oio~~~

# **PILAT BANG KHAVA TEH**

**By:- Rev. Dr. Hangminthang,**  
*Director of Ministires*

Khumi bansie Pilat in hadoh a tum a; hinanleh Judate a kikou ua, “Tam mipa na hadoh leh Kaisar lawm na hisih diing hi. Koipou ama leh ama Kumpi a kibawl khu, Kaisar dou ahi” achi uhi. (Joh.19:12)

Good Friday hun chienga thugente’n ina genkxah zel uleh, hattuom mite’n ana ngaikhiet mun sim uh thu khat ahi.

Jew mite’n thangsietna ziehin Jesu man mawh nan ulezong, a bawlkhel bangma a mu sih ua, shina khop khelna bangma abawl sih, chi a thei chiet uhi. Jesu thalup theina diingin Herod in akhelna a musih a, Pilat in zong amusih hi. Khumi ziehin Pilat in Jesu hadoh theina diing a ngaituo a, a velvel in mipite a dong hi. Hinanleh, Pilat in agintat vawtlou lamtah in mipite apat dawnna (kikou husa) a za a, khumi khu “Tam mipa na hadoh leh Kaisar lawm nahi sih diing hi...” chi ahi.

**Kaisar:** “Kaisar” kichi khu Rome Kumpipa (Emperor) min (Title) ahia, ama mimal min khu Augustus hidin agintat huoi hi. (Luk 2:1 dungjui in). Pilat khu Governor (Uhpipa)

ahia, Kaisar nuoi a sem ahi. State khat Governor khat leh gam khat Kumpipa khat kilawm hoi mama uh hidin agintat huoi hi. Pilat in ama mudan in Jesu tungah thukhen taleh, Jew mite’n Kaisar kungah Pilat hehna thu tut uleh, Pilat adia sil zauhuoi hi diing ahiban ah, adinmun (Governor) apat kethei/tawp thei diing ahi ziehin. Pilat in Jesu tungah shina diing khop khelna a musih a, hakhiet diing zong a ut hi. Hinanleh Kaisar lawm ahina angainat zawh zieh leh adinmun (Post) a it zawh ziehin, Jesu a gum ngam tasih hi. Jesu gum ngamlou khu thutah gum ngamlou china ahi.

## **Tami apat zil diingte:**

- 1) Panmun (Post) humdit sawmna ziehin thudih ahumbit theisih hi.
- 2) Khovel lawm hi utna in thudih apat apuimang hi.

## *Gospel Tangkou April 2019*

- |                                                          |                                                                                                         |
|----------------------------------------------------------|---------------------------------------------------------------------------------------------------------|
| 3) Panmun ven seng ziehin adihloute phawh ngamlou.       | vei chia Ama'n thu ahing khen khum kia diing)                                                           |
| 4) Panmun/thuneina dei seng ziehin Jesu dei zoulou.      | 8) Tam leitung ah deitel diing ni a um khawm zing hi. Na tel khel leh avangsie nahi diing hi.           |
| 5) Panmun deina ziehin mawnei lou in shi law.            | <b>Note:</b>                                                                                            |
| 6) Panmun humbit tup ziehin Jesu humbit khalou.          | Tahsa lam silte lunggul khu shina ahia, Hagau lam silte lunggul khu hinna leh hamuonna ahi. (Rom 8:5-8) |
| 7) Thunei ut seng ziehin jesu tunga thukhen kha...(khat- |                                                                                                         |

---

## *Jesu Thaukia Ni khu* **"EASTER SUNDAY"** *chichi nalai diing ima...?*

Tam Article a thumal kizanghte theisiam zawh semna diingin English (Sap haam) toh i mang khawm uhi.

"Easter" kichi Bible ah aum ama? King James Bible lui a Nasepte 12:4 na maimai ah "Easter" chi a zangh hi. Tami mun a Grik thumal kizangh khu "Pashcha" (Paska) ahia, "Passover" (Peikan Annkuong) china ahi. King James gieltute'n Thuhun Tha mun dang 28 a "Pascha" thumal khu "Passover" chia let uh hinapi in, Nasepte 12:4 ah "Easter" chin ana letkhia ua, hinanleh King James Bible tha ah "Passover" chiin a suidih kiata uhi.

### **"Easter" (Ishtar) koi ahiei?**

Noah tu-sawn Nimrod khu gamvah haat, mi haat mama ahia, Babel apat Shinar (i.e. Babulon) dongin leenggam lienpi atung dinga, khopi lienpipi a bawl hi, chi Genesis 10:8-12 ah i mu hi. Apa Kush a shi in, Nimrod in apa zi (Ama

peinna nu) Semiranmis Zi in anei a, leeng thupi leh haat tah ahing suoh a, mite'n ama khu pasien bangin angaituo hiel uhi. A zi Semiramis zong Babulon leengnu thupi leh haat mama ahing suoh hi.

Nimrod ashi in, adamlai a mite'n pasien bang khop a ana

ngaituo uh ahidan a zi in athei khinkhien hi. Tuaziehin, a zi in, Nimrod ni a kaltou a, Ni pasien - “Baal” suohta hi, chin agen a, mei (fire) kuangin bie ulechin ama meikuong ah ahing um diing hi, chin mite ahil hi. Khumi apat Nimrod khu Babylon mite’n “Baal” ni pasien, mei pasien, chin abie uhi.

Semiremis khu “Ishtar” (Easter) chi in ahing um a, hapi tui (egg of moon) “Easter’s egg” chi in ahing umta hi. Ishtar ahing zawlgai a, ni-pasien zung (ray) in agaisah hidan in akigen hi. Tapa ahing neia, a min diingin **Tammuz** ahisah hi. Ama (Jammuz) khu ni-pasien tapa ahi a, bilpi sa (rabbit) du mama hidan a thei ahi. Tuaziehin, Babulon biehna (sakhuo) ah bilpi khu sa siengthou (sacred) dan a koi/ngai ahi. “Easter rabbit” tami a hing kipan ahi.

Nikhat Tammuz khu ngal (gamvoh) in athat a, a shi nua in *mishi khuo ah vapei hi*. Hinanleh, a nu akaa ziehin khallai in hing thoukia a, sing-hing in ahing pou hi, chin agen uhi. Tuaziehin, ama khu khallai pasien ahi achi ua, a thawkiana lopna in kum chin in khallai in nop bawlna anei uhi. “Khrismas Tree” chia i kithansah mama uh zong ama (Tammuz) thawkia

chientena (symbol) a ana zat uh, sing siengthou (sacred) dan ana ngaituo uh kilasawn hidan a gen pawl zong aum hi.

Tambanga leengnu “Ishtar” in ana patdoh Babulon sakhuo (dihlou) khu gam tuomtuom ah peisawn a, ni-pasien Baal khu Baalim, Baal-peor, Molech, mei-pasien leh min tuomtuom in abia ua; Easter zong Eostre, Astarte, Ostera, Eastre, Ashtoreth, Van leengnu, Baal zi, pasien Tammuz nu, Nu pasien, khaal pasien nu, chipatna pasiennu” chite a min vaw in abia uhi. Tam pasiente khu Israelte adin kupalpuana lienpi ahing suoh hi.

**“Easter Sunday” heia hing kipan e?:** Ishtar (Easter) khu hapi (Moon) apat **hapi tui** ahing kieh ni, khaal lai a sun leh zan a (sun sawt dan leh zan sawt dan) kikim ni zou a halia masapen ni toh kinaipen Pasian ni khu Kum chin in “Easter’s Sunday” (Easter Nipi ni) chi in, chipatna pasien nu - Easter biehna ni in a zangh ua, guolnop bawlna thupi tah a nei zel ua, khumi ni chiengin, chipat na diing chi in chipatna chientena (symbol) anei uh - ahtui leh bilpi sa a ne zel uhi. Tami biehna leh nop bawlna khu bang diinga Pasian Ni a nei vateh uh ahiei ichi leh, ni-pasien bia ahizieh uh ahi.



## *Gospel Tangkou April 2019*

Tambang in “Easter Sunday” kichi Khristiante patdoh hilou in, Jesu Bethlehem a ahing pien masang peh peh, hun sawtpi lai a Babulon te’n ana pat uh ahita bou a, Europe gam ah Anglo-saxon (German) te’n na lasawn uh a, Easter zong “Eostre” achi uhi. Tuachin, German gam a Khristian sakhuo ahing lut in, Easter biehna “Easter Sunday” kichi khu na um zou thamta hi.

Tami ni leh Jesu thawkiani kituoh, a hisihleh, kigamla lou ahina toh, ginglou tamsem Khristian suosah theina tupna in, nidanglai a Roman Catholic hattuom in “Easter’s Sunday” khu “Easter Sunday” chi in, Jesu thawkiana lopna ana pandoh ua, Easter bete chiindan zuipi in, khumi ni in “Easter egg,” “Easter Rabbit” chi in ahtui leh bilpi sa ana ne zel uhi. Tualeh “Easter” min pansan in “Easter Ham”, Easter Bund” chite leh adang ahing kiphuoh khie hi.

Tam pasien tahlou bete chiindan (pagan practice) Easter’s Sunday” Easter Egg leh adangte bang genna e? bangchi dan a hing kipankhie e? chi zong theilou in, tuni dongin Khristian

tampi in zui in, Jesu thawkiani in Easter Ahtui chi in bang bang ahiei apulam akigiel, rong kinute bang ahawm uhi. Tam rong kinu khu nidang lai a bu le baal tampi anei theina diing ua pasien kunga alat uh (a kithoina uh) naupangte sisan etsahna ahi, achi uhi. I Pasien Hing ua diingin tam sil kibawlte khel a kidah-huoi aum na diei?

Easter Sunday” chi a Jesu thawkiani iman ukhu in, chiphatna pasiennu Easter bia hisih hai, chin ikisiemtan maithei uhi. Hinanleh chiphatna pasiennu min (Easter) paidoh lou in, ama min zangh in Easter Sunday ichi veve ua, tami ni leh tami hun ama (Easter) min i theilou kaal un iphuongzah zing uhi. Tami ni (Jesu thawkiani) in pawlkhat te’n Sunrise - service chi in nisua laitah in, niswana lam nga in biehna vaiguon bang abawl nalai uhi. Tami zong ni-pasien bete chiindan kilasawn ahi.

**Thei diing leh chiemte diingte:** Saupi tah igen nua in, i thei diing leh chiemte diinga idei leh gen i tuppente tamte ahi:

Pasian tah hilou bete

## *Gospel Tangkou April 2019*

chiindan leh kamteng zahte zang zing in, Jesu thawkiana ni imang zing nalai diing uh ama? Jesu thawkiani khu “Easter Sunday” chi in chipatna pasiennu min zangh in tami ni imang nalai lai diing uh ama? I Mangpa Jesu Khrist thawkiani khu min tuompi khat zangh a iman uh khu in, A thoukia Mangpa akipahna diei? Jesu thawkiani khu Sapham zangh tei tei vai ichileh Resurrection Sunday” chi henlen, ei ham a gen utte’n “Thawkiana Nipini” chilei adih in

ahoi himai lou ama? Abul kipat dan i ngaitua leh Pasian adin kidah-huoi mama diing a, eite adin zong theinapi a mang teitei isuah diing hi. Tuban tam Jesu thawkiani toh kisai in Easter chi thumal zangh nawn sihlei deihuoi mama diing hi.

*Tam Article khu Pu H. Chin Khen Thang, I.A.S in agel, Ruth Messenger a asua, Thutah kiphuol thei leh zui dia hoitah hi a ka thei ziehin ilasawn in isua uhi.*

~~~oio~~~

A JAU HUOI PENTE

Thupil (Proverb)

1. Leigam thu ibuoipi kala vagam taan ding.
2. Hausatna ibuoipi kala itate itaan khah ding.
3. Ka damthei hi ichi kal a idam maw khah ding.
4. Neilou sasa a laisim a Exam chienga i Fail khah ding.
5. Thu lamleeng zieh a itpen toh kikhen khah ding.
6. Silhoi tampi i bawl dohta a mikhat i ngaidam loukhah ding.
7. Hun tampite lah a hun tom noukhat mankhiel zieh a kisia khah ding.
8. Ki ngaidam tuo man lou a si nan ahing lap khah ding.
9. Lei gentheina teng teng thuoh zou pan a Van a Meidil gimna thuoh kia ding.

PASIAN TOH ENOK JOHKHAWM

(Gen.5:21)

Rev. Retd. Nengkhanmang

Genesis (Siemchil) bul isim leh atungin Pasian in Lei leh Van asiem a, Tuipi leh a sunga sil zousie a siem chi imu hi. Van ah vansawlsieg namtuom tuom simseng lou a tam asiem a, Cherubte, Serafte, Michaelte, Gabrielte, Phanuelte, Raphaelte, Urielte tampi asiem hi. Hinanleh Pasian toh johkhawm thei a umsih hi. Khumbang zata a vagam tuolnuom suong mantam khopi sungah Pasian toh johkhawm thei ama bang mi a umsih hi. Tuachi'n Pasian bangkim siempa lungnop a kim theisih hi. Tuachin Pasian in ei toh bang lim leh mel sun in mihing siem vai ahing chi tahi. (Gen.1:26).

Khum in Pasian in Ama bang lim leh melsun in mihing a siem a, silsiem zousie tunga thunei na apeta hi. Pasian lim sun mihingte chilou Pasian gop thei leh zohkhawm siem koima a umsih hi. Saipite bang alien thei mama ua, humpite bang a hat thei mama uhi. Hinanleh Pasian toh johkhawm thei ahisih uhi. Mihingte khiel tellou hinkhuo ahi lai un nitah ninem lam tengin, huonah Pasian a vah jela, Mihingte toh ajohkhawm hi. Nuom asa ua, akipah thei mama uhi. Khum in Pasian lung nopna abukimta hi. Tuachibang a hun nuom lungnop tah a a manlai un mihingte khu thangsepa Setan in numei khu a sol a khelna ah a lutpita hi. Khum in ni nem lama Pasian huon a vah thawm husa a jahtah

un Adam leh Evi khu sing lah ah aki buta uhi. Pasian in Adam Adam hei a um natai? achi hi. Adam in huon a nahusa ka jahtah in Guohtang a um kahia, kazau a ka kibuta hi, achi hi.(Gen. 3:8-10). guohtang a um a chi in nileh puon bei a um akawh hi. Hinanleh Amapa genpen khu Pasian teltalou a Ama guoh tanga umta! ahina thu agen jawh ahi. Azieh khu ka zau a, achi hi. Pasian zaupa setan a sungah a umta hi. Tuazieh in Pasian toh a jawh khawmta sih uhi. Khawh na e ! Khawhna lawmlawm e maw tutan pha'n Pasian tellou in hei sungmun pou zauna ahi den tahi.

Khum in Pasian in jawpi ding mi ama toh bang lunggel

Gospel Tangkou April 2019

nei mi anei tasih a, meithai, meigong bang mai in liengvai leh langbei ahita ! Meigongpa khu mittui luonga jawpi ding bei a a vah avah bangin, Pasion zong koppi bei in adah koikoi a, Leitung mite ahing ve a Amabang a Pasion ngai a lunggel zing Jared tapa Enok khu amukha a a jawkhawmta uhi. Khum in Pasion alungdam a, Enok zong muom sa in a lungkim hi.

Khumbang jel in nuomsa leh kipah in Enok khu kum zathum sung Pasion toh ajokhawm uhi.(Gen. 5:21). Pasion in mihing a siemsan khu minu-mipa kilungtuoh a a johkhawm bangua lung nachimtah a ajawhpi ding a asiem ahi. Setan toh johkhawm ding a asiem ahisih a, hinanleh setan in Numei asol a ajawl mang tahzieh in Pasion lungtang na in a gim mama hi. Vansawl-sienge lah Pasion toh joh-khawm ding a siem ahisih ua, Lei leh Van sawlsingte lah Pasion toh johkhawm ding a siem ahisih ua, Lei leh Van a sawlkawi ding a siem ahi uhi. Gama sate leh ju leh vate lah jawpi ding chi ahisih ua, chih chih bah bah kitkawt kitkawt chi mai mai ahi ua, Pasion jawpi thei ahi sih uhi.Nileh Ha, Ashi te bang a

thupi thei mama ua, aman phat dan uh Lei leh Van in zong a poimaw te ahi ua, Pasion leh mihingte in zong a poimaw uh leh a kuul u ahi. Amaute umlou in silsiemte zong ahing theisih uhi. Hinanleh Pasion toh johkhawm thei ahisih uhi. Atanvou uh zong hilou hi. Lei leh Van a silsiem chinteng lah ah Pasion toh johkhawm thei mihingte behbeh ahi. Aziehpén Pasion dungsun a siem Pasion lim leh melpuo, Pasion phal langkhat ahi uhi. Tuazieh in mihingte khu tawnkhiel nanleh Pasion in a ensansih a, Pasal in a zi a it a lungsiet tah a angaidam jel bangin, Pasion in amabang a ama limsun a a misiemte a it a, setan in suse nanleh a khut suoh mihingte khu amu nuom kiata hi. (Job 14:15).

Enok leh Pasion khu johkhawm nuom asa ua, Vana jawkhawm uh e ? Lei a johkhawm uh e? Koiman a theisih a, Aman lah a gen sih hi. Thei ut huoi leh jahnop huoi thumah kidang tampi um ma ding hiven. Hinanleh Pasion toh jawh-khawmten a thuguh uh koi makungah agen ngaisih uhi. Noah zong Pasion toh a johkhawm a chin a giel a, hinanleh akum jat a gielsih hi. (Gen.6:8). Pasion toh johkhawm

Gospel Tangkou April 2019

pen a nuom mama hi chilei koiman zada sih va, Peter bangin mel lamdanna tangah a uplai un, Mosi leh Elija Jesu toh ahoulim uh hia, bangthu gen uh e chi zong athei loupi, nuom asata a ! Jesu kungah Mangpa ei a ding in tam mun a up ahoi hi. Bawh thum khaw vangin, nang a dingin khat , Mosi a dingin khat, Elija a dingin khat a chi tamai a (Mat..17:1-4). Hei leh hiem umloupia bawh inn thum khaw ding thu a gen mawh, hei leh tem pawng uplou lam a thei lou ahisih a, nop asah sengna in amanghil sah ahi. Tuabang lieng a ei ma ki manghil a Pasian lunggul ding chi atahlang hi. Muolnuoi lam a nuajui dangten ana ngahla ding uh zong lungin agel nonsih hi. Laphuohtu in nang na um leh Lei zong Van asuoh hi, achi bang ahita ding hi. Enok in zong, Pasian toh johkhawm pen nuom asa mama ahi ding hi. Inn lam a um azi ataten apuohsa atutsa ngah a nalam ente lunggel ding lunga gelkhanon lou in Pasian toh a johkhawm ua, tutan in zong a tungta sih hi. Lei milung gel gel nonlou in mihing lunga lutkha ngailou van mi lunggel dangkhat a gelta uhi tamai va! sulheiding lah gel nonlou ua.

Tualeh Mangpa Pasian in

mihingte khu hutdamding in ahing dei khopsih a, kigoppi leh suh le tunga jawpi ding in ahing dei hi. A nei a lam a gouzousie luopi ding in ahing chi hi. Tualeh Leimi hingte nu le pa kilungtuoh a ajohkhawm bang ua silzousie a kijohkhawm ding in Pasian in ahing dei hi. Ahpate nupa banga kijawhkhawm dingin mihing sangin Pasian utjaw hi.

Khum chiengin mihingte khu Pasian toh johkhawm ding in ama Pasian banga siengthou leh dihtat leh gin um angai hi chipen thudih mama ahi. Hitama nanleh Mangpa Jesu khu gintat sangin a zainem a, ki neusah in ama juite toh ajohkhawm uhi. Nisim a ngaidam natoh kidim a, lungsiettah a akaihhuoi dante a mit un a mu ua, hima nanleh ama bangin lungsiet naleh jainemna a neisih uhi. Nikhat Jesu anuajuite toh insung khat a a uplai un numei khat in sathau namtui Jesu kengphang a buohkhum a, a sam in a nawt a, anam in innsung pumpi a jelsuoh tahi. Anua juite ana thangsie ua mizawngte kungah kipezaw leh anachi uhi. A juipa uh a jawpipa uh Jesu dung a sun maw mama uhi. Hinanleh, Jesu a lungthahsih a, khovel mite

Gospel Tangkou April 2019

bangsiah un a chi hi. Nuajuite pen pamawl tahtah mithupi lou Lensep thei pou ahi ua, Jesu thugente zong bang genna e chi a theikim sih uhi. A jawpi pa uh lunggel a bang maw mama uhi. Hinanleh Jesu nunnem in a ensan sih a, a nuolsih a, ama jesu bang a hoi ut ngen ahi ua hinanleh a sung uah hoi thei lou a um chi Jesun a thei a a johkhawm jel uhi.

Guolnei Amos in tambangin a gen hi, mini aki lungtuohsiah uleh lampi ah a johkhawm theiding uh amah?-Amos 3:3) achi hi. Adih ma ahi mihingte kijohkhawm thei nakhu, tupleh ngim ki bang utdan leh ngaidan kibang, lunggul kibang, lunggul kibangte a johkhawm jel uhi. Hinanleh, Pasion tapa Jesu pen anuajuite toh ajohkhawm lai un zong lungsim kulphum ngaisut nakibang lou, tup leh ngim kibang lou amansah dingpa toh zong a johkhawm uhi. Hinanleh Jesun a thei a, hinanleh anotkhesih a ajohkhawm uhi. Tambang lawma lungnem Magpa Jesu'n Hundam ding leh Ama toh johkhawm ding in lungsiet tahin ahing han hi. Nangin bang lung nagel ma diei le??

Tualeh, nangmaleh nangma naki it banga na jawpipa na it tah chiengin, najawpi pa ginumna kai dinga, ama bangin nang khu ahing muongta ding hi. Khum hun chiengin a lungsim kulphum thuguh thu gilte ahingphilta ding hi. Khum hun chiengin Jesu toh joh khawm nahita ding hi. Khiel khavang chia kivenga lunglel kawm a, ki neusah lim bawl a, kei ka chingsih, kahat zousih, chikawm kawm a, kingiemsah dan dan a, kamsiem bawla, thudih thutah kagen chite sangin, Pasion silbawl theinalah tha hatna suong a lungkelou a hangsantah a panga Pasion min lou a dawite not doh a, damlou tunga khut ngam a, Jesu min a thumpi ngam khu Pasion toh johkhawmna hi jaw hi. Khumipa khu Pasion in nuasie lou ding hi, tuaziehin lungkelou in Mangpa na sem va ui.

Simtute aw i Tangkou lunglut tah a nasim chieng un, kei toh houlim khawm bangin kaki ngai a nuom kasa hi. Nakung uah Hamuonna umta hen, Kipah ing.

~~~oio~~~

## **GOUTAN TATE KEP DING DAN**

**Nh. Nuamboi,**  
Women Promotor

THUPILTE 22:15-Motna khu naupang lungtang ah kanlawm in a um a, bawlhoina chiang in tuami gamlapi ah ahawlmang ding hi.

ELLEN G. WHITE in THE CHRISTIAN HOME chih laibu a gelh na ah TA leh NAU te PASIAN GOU. A hi uo, deidan bang in ikem na diai? Nute khat chiat ki dong vai.

Naupang kep ichipen ei ut leh utlou thu a kep ding leh keplou ding hi tuanlou naupang ahijhia vua kep ding hi mai hi. Naupang kep pen nna thupi pen ahi. Hiljouta chih umlou ahijhia in. Tua ikep lai naupang te khu tunung chiang a ilamkai dingte ahi uh chih thei jing vai.

**NAUPANG KEP NA DIA POIMOH KHENKAT TE:**

**1. Etonn tham ching ginna nei:** I hinkhua ah sil hasa leh sil hi thei dia I ngaitua ngailou te I tuah kha chiang in Pasian imuanna bang achi ei aki ling thei jel amah? Hichi bang hun chiang ahi naupang ten Pasain imuan ngam na etton tham ching in ang mu na di vuai ? Pasian toh kijop mat na tah tah ineih leh etton tham ching ginna jong inei ngei ding hi. Tua ziah in, ihagau lam dinmun kivel

phat angai hi. Ei neilou pi ita-inaute zilsah leh hiltheilou ding ihijieh in mittaw leh mittaw bang chiin ikipui thei diai.

**2. Pasian ngai a dangtaah:** Thumna hun zang biahinn kai leh laisiangthou simna ding hun inei ei? I neilou leh lunglutna neithei ding in Pasian kung ah ngen ni. Martin Luther in bawlding kahau seng ziehin dakal 3 amasapen in thuumna in kazang ding ana chi hi. Min sepding ahau uleh thumna hun tamsem azang uhi. Thumna silbawlthei dan ana theichian talua zieh un. Ita-inaute Pasian ngai a dangtah dan i theisah udleh ei Pasian ngai a dangtah mi ihi masah angai hi.

**3. Laisiangthou thu atom thei bang a zilsah di:** Naupangte aneulai un a memory uh ahahat mama hi. Tuaziehin naupangte

aneulai ua Bible chang atam theipen theisah sawm ding ahi. Aneulai ua atheite un a piching nua un a hagau hinkhuo uh a chawm thei hi. A,B,C.... 1,2,3.... leh siamna leh pilna tuamtuam zilsah peh huah theina ahia(Head knowledge) Bible thu theisah khu lungtang a theina ding leh chiamte dia zilsah ahi. Naupangten tangthu ngainuam ahijieh un Bible a tangthu tuamtuamte hil ding ahi. I tangthu gen a mite umdan, amizie uleh chiindan ten itate lungsim, ngaituana hinkhua zatdan leh umdante ahoilam a pui in masawn sah thei hi.

**4. Hun nei sawm in:** Nu leh Paten itate toh hun izah tam leh tawmdan a kinga in i poimaw ngai leh ngailou uh thei thei mai uhi. Nu leh Pa tampite neh hawlina lam ah a buai seng ua, khawtaang leh hattuum lam abuaipi seng zieh un tate ngaisah manlou zen in a um uhi. Neh hawlina apoimaw tham a tualeh hattuum leh khawtaang a kizah zong asepum lum ichi sih hi. Nanleh auong –avaal umthei ahina ah pilvangtah a hunzah poimaw ahi ichina ahi. Ita-inaute hun tamthei pen ipiah na in amauh ngaituana ah ngaisah a um kahi chi akithei ua, tuami in lungmuanna pia hi. Naupang

in lungmuanna anei chieng un, mahni kimuanngamna, kipahna leh lungkimna nei uhi.

**5. Na tate hanthawn in:** Hanthawanna khu naupang kepna ah apoimaw pen hi. Ei mite khu tate hanthawn leh hasot kisiamlou hi. Nu leh Pa khenkhat ten atate uh nasep silbawl uh hoisa huntawh ngailou uhi. Tuabang dinmun ah taten nu leh pate kipahsah sawm leh apatat di uh ud in panla nanuleh lawsam jel uhi. Hichibang dinmun leh ngaituana a kum asim bang ahing nei chiang un khawsah nonlouna dinmun tungkha zel uhi. Tuabang dinmun ahing tungchieng un khamthei, guithei ah ahing lut ud mama uhi. Kolossa 3:2 “Pate aw nate uh lungthah sah sih un, tuachilou in a lungke kha ding uhi”. Ita-inaute hanthawn na ding in, ahina bang bang uh pomsiam lei abul pan ihi ngal ding uhi.

**6. Et tontah umdan leh hindan siangthou nei ding:** Eima mizie umdan, chiindan leh gamtatdan, leh lungsim puohdan ita-inaute adia etton tah ahiding ahi. Naupangte mizie khu mi umdan leh hamdan chiing a zui paipaite ahi uhi. Innsung ah naupang in



akhothei uapat tapi zilkhie uhi. Na thugen sangin na umdan in thu agen ngaizaw akichi zel hi. Tuaziehin thugen guah ahunsih a i umdan leh hindan in thu tapi gen nei hi. I umdan, tawndan leh ihindan te Khristian ihina toh akituah nai chi ki ngaitua apoimaw hi. Ita-inaute kungah kei bawl bangin bawl in ichi ngam dai? I chi ngamlou leh kingaitua tham ching mama hi.

**7. Eima insung toh kituah gamgi leh daan nei ding:** Eima insung toh kituah gamgi leh daan nei ding apoimaw hi. Tamte khu eima innkuan khosahna toh kituah ahi ding ahi. Gamgi leh daan umlou in khawvel khu naupang a ding in mun zauhuaipi suah ding hi. Daan in zauhuaina mun leh siatna tuntheina munte apat naupang vengbit thei hi.

**8. Muthei/khoithei silte apat zilsah :** Tam muthei leh khoithei silte apat kizilsah na phatuam mama hi. Hichibang kizilsahna naupang in chiamte thei a theiden thei hi. Etsahna ding a ganhing zu-le-va, TV.

**9. Naupang midang toh tehkaah sin:** Naupangte mizie kibang beilou ding hi. Khen khatte ham udlou, sil theisiam/ sil theisiamlou, maingal/zahkai,

um maimai thei/um maimai theilou, fel/fellou, pil/pillou etc. Tamteng ban ah , tate lah ah ei lunglutna hing lunglut pi, mizie kibahpi leh khohei gamtat dan a i kibahpi deute i ngaina diah maithei hi. Bang teng hileh tate mitoh tekahlou ding ahi. Naupang tekah a aum chieng un a lungsim uah tekah a um naupang dang pen huatna chi kituu hi.

**10. I tate /I naute aloi pawlte uh theipi ngai:** “Na loipawl ten na mizie kilangsah” chi thupil in iloi kipawlpite mizie poimaw dan chiangsah mama hi. I tate bang chibang mitoh kigop ahi uai chi theipi poimaw hi. Mihingte ahon a khosa leh nopsate ihijieh un loi neilou a umpen tangkhat huai leh thawmhau huai mama hi. Nanleh loi gin umlou neijieh a naupang neute lunggim leh thawmhau in umthei hi tuaziehin i tate dan ding toh kisai a Pasion mai a khupdin a thumna hun zahzel khu ei Khristian nu-le-paten chiin anei dia hoi mama khat ahi.

**11. Innkuan poimaw dan zilsah ding:** Psychologist ten naupang a ding in innkuan khu a school masapen ana chi uhi. Naupangte school akaithei

*Gospel Tangkou April 2019*

masang un a innsung mite ua kipat in sil tampi ahoi leh ahoilou ana zilkhe zouta uhi. Tuaziehin naupang neulai a lungtang ua silhoi tampi chituu dia hoite lah akhat khu innkuan poimaw dan ahi. Innkuan vai khat poujou ngai poimaw sah ding, innkuan mite lah a ki iitna, ki theisiamna, kizopna leh ki chimatna a umthei na dia ta-le-naute zilsah leh chiil akiphamaw hi. Hichibang kizilsahna in innkuan khu beltah leh belthei innkuan suahsah a tualeh ta-le-nauten hasatna atuah chieng un innkuan a nule-pa kung ah gen ngam ding uhi.

**12. Na tate thunun in:** Heb 12:6 “Aziehpén Mangpan a itte a thunun a, ta banga apomte pouma ajep jel hi.” Pasion in eite ahing itman in ahing soisa zel hi, khuchima bangin itate zong lamdih a ipui theina ding in thunun apoimaw hi. Naupang mizie dungzui a atheisiam theina ding ua thunun ding ahi. **THU KHUPSIT NA:** Naupang kepna naa pen athupi pen ahiban ah apoimaw penpen zong ahi aziehpén puikhiel thei ahizieh in pilvangtah a Pasion deidan apui ding ahi.

---

## *Midangte Ngaidamna*

(Philemon 1 – 25)

~ Pastor Khamkhenthang,  
DS Thanlon Division

Ni khat Turkish sepai gilou tah khat in Christian suongkul tang khat hah vuoh in a vuo hi. A hah vuoh seng zieh in khophoh lou in a um vawt hi. Hah vuoh a vuo-in, topeh toh bang toh thuo-in, tun na Christ in nang a ding in bang bol thei a nei ei chi'n a enghoupi hi. Christian suongkul tangpa'n zong, Christ in nang ngaidam theina thahatna hing pethei hi chi'n awl nou khat in a dawng hiau hi.

## *Gospel Tangkou April 2019*

Mizousie in ngaidamna kidei in hinanleh mizousie in midang ngaidam thei lou hi. Ngaidamna ahi leh Pasion a pat hing kipan ahia tuazieh in koi zong Pasion thei te'n midang a ngaidam thei hi.

Midang ngaidamna poi-mawna - Midang ngaidamna khu a poimaw hi, a zieh pen midang ngaidamna khu Pasion a pat hing kipan ahi.

Tunia Philemon laibu a pat iki kupna in a tuppipen ahi leh mizousie in midangte ngaidam utna lungtang inei chiet ding, ei gilou tah a hing bolte zong ngaidam ding ahi.

# Bible a ngaidamna poi-maw dan tam lou i-en ding –

1) Jesu'n ...mi a tatsuolnate uh nangaidam uleh, na Pa uh vaan aum in zong noute a hing ngaidam ding hi. Hinanleh mi a tatsuolnate uh na ngaidam lou uleh na Pa un zong na tatsuolnate uh a hing ngaidam sih ding hi. (Mt.6:14&15)

2) Pasion in midangte khelna a ngaidam pen mi khat in midang khelna a ngaidam zieh ahi sih a, hinanleh Christian khat in midang khelna a ngaidam ding pen- Ama Jesu'n

a ngaidam zieh a, a man zong midangte khelna a ngaidam ding ahi zaw hi.

3) Pasion in Christ a eite a hing ngaidam bang a khat leh khat iki ngaidam tuo chiet ding uh ahi. (Eph.4:32)

# Philemon Laibu a imu bang in tamlou i-en ding – Philemon ahi leh Kolosia a mihausa khat ahia, suoh anei a – Onesimus khu a suohpa ahi a, a Pupa van guhsah in a taimang a, Paul toh kimu kha in tuachi'n a piangthata hi.

b) Paul in a pupa Philemon kung ah sil umdan bang kim a gen a, Onesimus pen a nua sawl kia ta hi. Suoh guta hinanleh, tu'in pen hinonlou in, a it huoi sanggampa khat ahi ta hi achi hi.

c) Jesu Christ ah khu... Judami, Grikmi a um non sih; saltang leh zalen a um non sih; tualeh Pasal leh Numei zong a um non sih hi, a ziehpen nabawn un Christ Jesu ah pumkhat nahi ta uhi. (Gal.3:28)

(d) Philemon in misieng thoute zousie a it hi. Tuazieh a Onesimus zong a itna/itte lah a a telsah ngeingei ding ahi hi.

e) Greek ham a - Onesimus – kichi suoh min tangpi khat ahia,

*Gospel Tangkou April 2019*

a manpha (useful) china ahi. Hinanleh, guta- a, a taimang chieng in a min toh kile bul in panna bei tham lou in manna giap a suohta hi. Hinanleh tu-in pen piengtha ahi tah zieh in Paul leh Philemon a ding in ang manpha kiata hi.

f) Philemon in Onesimus a nua lah kia (a ngaidam) pen suoh nua lah kia mai hilou in suoh sang a hoi zaw nua lah kia ahi ta hi.

g) Paul in Philemon kung ah – Onesimus in a bawl khiel teng leh a leibat teng keiman a maw kapaw ding achi hi. Onesimus mawna toh kisai in Paul in bangma mawna leh kisai khahna a nei sih hi.

h) Nang leh kei mawna toh kisai in Christ in bangma mawna leh kisai khahna a nei sih hi. Hinanleh, Philemon in Onesimus khelna a ngaidam bang in nang leh kei khelna zong Pasion in a hing ngaidamta hi. Tuazieh in, nang ngaidam nahi bang in midang zong na ngaidam ding ahi hi.

i) Bible ah Christ mi ngaidamna in mi a zawdan leh ei

Christiante lah a zong poimaw ahi dan imu hi. Pasion mi ngaidamna hoitah a I experience chieng in midangte khelna I ngaidam thei pan ding hi.

j) Onesimus in ngaidamna a tan khu a gintat khel lam peh ah ahi. Philemon in – ama Pasion in a ngaidamna (based) panson in Onesimus a ngaidam theita hi.

k) Midang khat khelna nangaidam ding hahsa nasah leh ngaidam thei lou ding a nangaituo a um kha amah ?

l) Onesimus suoh/guta ahi a hahdoh loupia bang chi dan a Philemon in Paul suong kul a pat hadoh a a um theina dia a thum thei mawh ding lah?

m) Pasion ka-it ichi leh midang i-it ding a, a khelna uh zong I ngaidam ding uh ahi hi.

n) Tunia kipat in midangte ngaidamna lungtang inei a, Pasion in eima ang ngaidam bang a midangte I ngaidam ding uh ahi hi.

Philemon banga mi ngaidam thei ding in Mangpan hing guolzawl ta hen.

*MELC sunga Vaiguon tuomtuamte*

**CONGRATS ELCITHS BISHOP/PRESIDENT**

Dt. 27<sup>th</sup> March, 2019 ni'n Guwahati BELC Campus ah ELCITHS meeting cum Election kinei a, tuanah kum 2021 tan ading in MELC Bishop Rt. Rev. Dr. SK Manlun ELCITHS Bishop/ President ding in telching in um hi. Tam vaiguon ah Assam, Bodo, MELC dioceses te ban ah Upa Nengkhenthang, Moderator MELC, Upa S. Zamkhanpau leh Nu Nuamzahat ELCITHS Committee memberte zong va pang uhi. ELCITHS Bishop tha thumsahna Rt. Rev. Dr. Godwin Nag, former ELCITHS Bishop in nei hi.



**CHURCH LEADERS' WORKSHOP:**

Apeisa Dt. 4/4/2019 ni'n MELC OB leh Division lamkaite phasahna bangin tuni'n MELC HQ. Church, Zomi Colony ah Lamka leh Thanlon Division sunga Upate leh LCC te huap in CHURCH LEADERS' WORKSHOP kinei a, tuanah Bishop leh Director of Ministries Resources Person in pang ua, tammi hun ah Upa leh LCC laymen kigawm in mi 60 val pang uhi.



**BISHOP ADI TABLE THA**

Dt. 8/04/2019 ni'n MELC Bishop Chamber a zah ding in Executive Table tha lihleh Pa Goupau leh aloinu Nu Bemnu of Zomi Colony te'n Pasion nasepna dingin kiphaltah in tuah/donate uhi.

Amauh kiphalna tungah tam I Gospel Tangkou tungtawn in Pawlpi min in Bishop in lungdamthu Phuong hi.



## **SHILLONG LUTHERAN CHURCH**

Pasian Manggam nna sepna ding in Shillong Hattuohte'n nihle-puan, sil-le-teen dongkhawm in Tripura Missionary Field a ding in piehkhietna nei uhi. Shillong Hattuohte kiphalna zal in Tv. Manglianlam (Missionary) in migenthe hasate kungah Pasian thugenna nei in, nihle-puan, sil-le-teen Pasian min in hawmkhie hi. Tam silpieh toh kisai in mite lungsim akihong mama ziehin Pasian min iphat uhi. Pasian in Shillong Hattuohte atam zawsem pethei ding in guolzawl zel taken.

### **THEISAHNA**

MELC in thu kizahna inei sun sun uh **GOSPEL TANGKOU**, Editorial Board deina bangin MELC sunga local teng Patron member a pang ding chi ahiman in Local Church bang zat e khat in Patron Member fee Rs. 1500/- (Rupees One thousand and five hundred) only ape zouta hi. Hinanleh Local Church bangzat e khat te lemtang nailou ahiman un Patron member fee ape thei nai sih hi. Ahi theileh tam anei a Local Church hing kitahlang te'n Patron member fee MELC Office ah hing pe ding in Pasian min in ikingen in ikitheisah sawnsawn uhi.

### **GOSPEL TANGKOU Rs. 1500/- Church a pe nailoute**

- |                        |                      |
|------------------------|----------------------|
| 1. Simveng MELC        | 2. Tuibul MELC       |
| 3. Central Church MELC | 4. Manniangkhuo MELC |
| 5. Zoumunnuam MELC     | 6. Ngulzenveng MELC  |
| 7. Tuaitengphai MELC   | 8. Sehken MELC       |
| 9. Mata Mualtam MELC   | 10. Sumchinvum MELC  |
| 11. Zabellei MELC      | 12. Phaibem MELC     |
| 13. Allusingtam MELC   | 14. Likhai MELC      |
| 15. Lunmuol MELC       | 16. Kullian MELC     |
| 17. Tuining MELC       | 18. Sangaikot MELC   |
| 19. T. Vajang MELC     | 20. Sugnu MELC       |
| 21. Zoubethel MELC     | 22. D. Jangnuom MELC |
| 23. Saite MELC         | 24. N. Leitan MELC   |
| 25. Leijangphai MELC   | 26. Tonjang MELC     |
| 27. Suongphu MELC      | 28. Jangnuom MELC    |
| 29. Pahmuol MELC       | 30. S. Sehken MELC   |
| 31. L. Zoujang MELC    | 32. Imphal MELC      |
| 33. Jh. Vajang MELC    | 34. Moreh MELC       |
| 35. Shillong SLC       |                      |

H. Khaikhogin  
Circular Manager

## Patron Memberte

|     |                           |      |                           |      |                            |
|-----|---------------------------|------|---------------------------|------|----------------------------|
| 1.  | (L) Upa T. Chinzakhai     | 56.  | (L) Upa Pumzagin          | 111. | Pu T. Samuel Tualminthang  |
| 2.  | Pi Warlita Manlun         | 57.  | (L) Rev. Khaamthang       | 112. | Sya. T. Dongzalam          |
| 3.  | Pu M. Khamzaming          | 58.  | Pu T. Lamzagin ASC (Retd) | 113. | Upa Paukhosuan             |
| 4.  | (L) Upa T. Gougim         | 59.  | Upa S. Kammang            | 114. | Rev. Ginsuanthang          |
| 5.  | Upa M. Kaichinkham        | 60.  | Pu L/Nk Mangchinthang     | 115. | Upa M. Khupkhanhau (Retd)  |
| 6.  | Pastor P. Vungzathang     | 61.  | Pu Pumkhanmang            | 116. | Pu M. Haukholian           |
| 7.  | Pu P. Chinzakhai          | 62.  | Upa Tunzagin              | 117. | Rev. Chinlunmang           |
| 8.  | Pi Chinnu (Mrs.Gouzadou)  | 63.  | Pi Zenggaihiang           | 118. | Pu H. Khaikhogin           |
| 9.  | Upa D. Khupsuanpau        | 64.  | Pu Chinsuanlam            | 119. | Pu T. Chinkhohau           |
| 10. | (L) Pu Thangkhanlal       | 65.  | Nu Kangnu                 | 120. | Pastor Khupdokhen          |
| 11. | Upa M. Jangkhhohau        | 66.  | Pu Genkapthang            | 121. | Pu Khamkhanhau             |
| 12. | Pu T. Gouzalai            | 67.  | Pu Paul Henkholal         | 122. | Pi Lunsuanchiin            |
| 13. | Upa Jangkhhogin           | 68.  | Upa Nengkhenthang         | 123. | Pu Tutzamung               |
| 14. | (L) Upa M. Khamzathong    | 69.  | (L) Rev. P.K. Khama       | 124. | Pu Dongzakam               |
| 15. | Pu H. Thangmang           | 70.  | (L) Pi Nuamneikim         | 125. | Upa Thangchinhang          |
| 16. | Pu M. Ginzasuan           | 71.  | Pu Dr. David Vumlallian   | 126. | Sya Thangkhanpiang         |
| 17. | Pu M. Kailam              | 72.  | Upa Ginzalam              | 127. | Pi Goikhanman              |
| 18. | (L) Pu T. Soiminthang     | 73.  | Rev.Kamminthang Tunngnu   | 128. | Upa Zamkhosuan             |
| 19. | Pu S. Suankhothong        | 74.  | Rev. Thangliankham        | 129. | Pu Jamchinpau Samte        |
| 20. | Pu S. Tunsuanhang         | 75.  | Rev. Nangkhanlal          | 130. | Sya Tunzalang              |
| 21. | (L) Pu Hauchinmang        | 76.  | Sya Dongzapum             | 131. | Evan. D. Ginpu             |
| 22. | (L) Dr. Upa Tongkhokai    | 77.  | Dr. N.D. Samte            | 132. | Pastor Khamkhenthang       |
| 23. | Pu T. Ginzamang           | 78.  | Pu Sienzathang            | 133. | Upa Chinsuanpau            |
| 24. | Pu T. Goupau              | 79.  | Pu Sheshei                | 134. | Pu P. Tunzamang            |
| 25. | (L) Dr. Lampu             | 80.  | Rev. S.K. Manlun          | 135. | Pu Kamneithang             |
| 26. | Pu P. Sanjeev             | 81.  | Pu Hauliankap             | 136. | Mother Nuamzavung          |
| 27. | Upa P. Kamzadou           | 82.  | Pastornu Niangzadim       | 137. | Upa Thongzalam             |
| 28. | Dr. Ginniing              | 83.  | Rev. Ngilzakhup           | 138. | Pu Kaikhankap              |
| 29. | Upa Lt. Col.Thongzadou    | 84.  | Pu Hausuanthang           | 139. | Ex-Sub. Upa Kaichinpau     |
| 30. | Pu John Zamkhomang        | 85.  | Upa Khamchinlam           | 140. | Pu Ex-Hav. Thangzakhup     |
| 31. | Pu M. Lunkhoneh           | 86.  | (L) Khaiminlian (13 yrs)  | 141. | Upa S. Suanzakham          |
| 32. | Pu Kapzaming              | 87.  | Upa H. Khamzaming         | 142. | Upa P. Chinminthang        |
| 33. | (L) Pu Hauchinthang       | 88.  | Pu P. Sienzadong          | 143. | Rev. S. Nengkhanmang       |
| 34. | (L) Upa S. Khamzalam      | 89.  | Pi Neikhokim              | 144. | Pu T. Lianchinlam          |
| 35. | (L) Upa Sub. Lianchinmang | 90.  | Pu Hausuanlam             | 145. | David Kapsuanmung Zo       |
| 36. | Upa S. Zamzalam           | 91.  | Pu Ginminthang (Gigin)    | 146. | Nh. Vunghauiang            |
| 37. | Pu Khamzatum              | 92.  | Pu Khupminthang           | 147. | Tv. Goumuankhup            |
| 38. | Pi Nemmmang               | 93.  | Nu Lhainei                | 148. | Khupno Tombing             |
| 39. | Upa Tuahchinhou           | 94.  | Rev. Kamminthang          | 149. | Ginshanglian Samte         |
| 40. | (L) Upa Kaikhohau         | 95.  | Pi Ngailianmoi (Momoi)    | 150. | Ex.Hav. Khupzathang        |
| 41. | Dr. Jainson Haokip        | 96.  | Pu Aron T. Muanthang      | 151. | Nu Muanchig Sangma         |
| 42. | Pu Kapkhanthang           | 97.  | Pu Thongneipau            | 152. | Sub. P. Goukhanlian Zou    |
| 43. | Pi Manpi                  | 98.  | Pu Dalkhanthang           | 153. | Ex-Hav. Sianzakhai Munluo  |
| 44. | Pu Philip Thanglienmang   | 99.  | Upapu Soikhohau Samte     | 154. | (L) Upa Thangkhhokam       |
| 45. | Upa Haukholam             | 100. | Rev. Thangkhanmang        | 155. | Upa Thangkhojam            |
| 46. | Upa Kaikhlanlun           | 101. | Rev. Nengkhanlal          | 156. | Pastor Kapkhanhau          |
| 47. | Pi Lhingneiting (Helhing) | 102. | Pastor Lamgen             | 157. | Pastor Thangkhhongam       |
| 48. | Pu Thangchinsuan          | 103. | Pi Cicilia Maman          | 158. | Pa M. Ginkhanthang         |
| 49. | Pi Goukhoniang            | 104. | (L) Pro Pastor Kamzathang | 159. | Upa T. Pummimlan           |
| 50. | (L) Pu T. Gouchinthang    | 105. | Upa T. Nungkhochinpau     | 160. | Pa M. Khammuanlian Zou     |
| 51. | Pu M.L. Thanghau Zou      | 106. | Rev. Dousuanthang         | 161. | Nh. Momawi Milun           |
| 52. | Rev. V. Hangminthang      | 107. | Rev. Hangpi Manlun        | 162. | Upa M. Hauminthang         |
| 53. | Rev. Dr. Ginkhanmung Zou  | 108. | Tv. Hauthang              | 163. | Pastor Kamsuanlal          |
| 54. | (L) Ex.Nk. T.Dongminthang | 109. | Rev. Thangchinkhup        | 164. | Ex.Sub.Upa T. Mangkhenmung |
| 55. | Pi Neingaihaw             | 110. | Rev. Kapsuankhup          | 165. | Pu T. Ginkhothong          |

Koipou Patron member a pang utte a dingin ₹. 1500/- pie in a pang thei gige hi.

**If undelivered, please return to**

The Editor, Gospel Tangkou  
MELC Office, Hqtr. Zomi Colony  
Post Box – 10, Churachandpur - 795 128  
Manipur, India,  
e-mail : [melchqtrs@gmail.com](mailto:melchqtrs@gmail.com)

Gospel Tangkou (Gospel Herald)  
RNI Regd. No : 62170/95 MNP 76  
(Hachin a kisuo,hattuom khanletna ding)

(RNI Regd. No:62170/95 MNP 76)  
BOOK POST

To

.....  
.....  
.....

*Layout & Typesetting @  
MELC Office  
Printed @  
Thawmsons Color Press,  
H. Lamka*

Edited & Published by the Editor for and on behalf of the Manipur Evangelical Lutheran Church